

† Rogerius Militenſis Epiſc.  
 † Ego Guſtavelmus Biſinianenſis Epiſcopus.  
 † Ego Andreas ſancti Marceſis Epiſcopus,  
 † Ego Bartholomæus Syracuſanus Epiſcopus.  
 † Ego Thaddæus Neocaſtreſis Epiſcopus.  
 † Ego Bernardus Genicoſaſtreſis Epiſcopus.  
 † Ego Pbilippus Dei gratia Marturanenſis Epiſc.

Eodem anno 1222. die 27. Julii Lucas ab Hono-  
 rio III. Papa delegatus litem aggreſſus eſt agnoſce-  
 re. quæ Archimandritam Patiri Cœnobii Roſſa-  
 nenſis Diœceſis inter & Abbatem S. Juliani de Ca-  
 tanzaro vertebatur, ſed intercedentibus quibuſdam  
 de cauſis indeciſam reliquit, ut infra in Cathacen-  
 ſibus Epiſcopis enarrabimus. Recurrente deinde  
 anno 1223. menſis Julii à Federico II. Imperatore  
 Rege Siciliae pro ſua Cuſentina Eccleſia confirma-  
 tionem obtinuit omnium privilegiorum jam diu à  
 Rogerio, filioque ejus Vuillelmo Calabriae Ducis-  
 bus, atque à Conſtantia Imp. matre ſua conceſſo-  
 rum, quorum tenorem ſupra retulimus. Federici  
 confirmatio, cum inſertione eorundem ex tabula-  
 rio Cuſentinae Eccleſiae deſumpta hic exhibetur.

Federicus divina favente clementia Romanorum  
 Imperator ſemper Auguſtus, & Rex  
 Siciliae.

Inter cætera pietatis opera, quæ ad ſalutem per-  
 tinent animarum illud nobis æternas promeretur di-  
 vitias, & locum ſtabilem vendicat ad quietem, quod  
 locis venerabilibus, & Dei Eccleſiis benignius elar-  
 gimur. Ea propter notum factum univerſis fidelibus  
 noſtris, tam præſentibus, quam futuris, quod Lu-  
 cas venerab. Cuſentinus Archiepiſcopus fidelis noſter  
 tranſcriptum quoddam privilegium Rogerii Ducis  
 Apuliae, Guillelmi Ducis ejuſdem Rogerii Ducis filii,  
 & liberorum ſupradictorum, & quondam Imperatricis  
 Conſtantiae Dominae Matris noſtrae memoriae reco-  
 lenda ſigill. P. Maturanen. Epiſcopi, P. Abbatis Cu-  
 rarii, Boni quondam Abbatis Matinae, & M. Abba-  
 tis Floris, & eorum ſubſcriptionibus roboratum no-  
 ſtrae celſitudini præſentavit, ſupplicans humiliter  
 devote, ut privilegia, & litteras ſupradictas ſibi,  
 & Eccleſiae ſuae innovare, & confirmare de noſtra gra-  
 tia dignaremur. Quapropter ſupplicationes ipſius  
 venerabilis Archiepiſcopi de ſolita clementia beni-  
 gnus duximus admittendas, & privilegia ipſa, &  
 litteras innovantes, eadem de verbo ad verbum hic  
 noſtro privilegio juſſimus annotari, quorum tenor ta-  
 lis eſt. In nomine ſanctæ & Individuæ Trinitatis,  
 Rogerius Dei gratia Dux Apuliae, Calabriae, & Si-  
 ciliae confirmo, & ſtabiliter largior, & dono tibi Do-  
 mino Arnulpho Archiepiſcopo tuiſque ſucceſſoribus in  
 perpetuum, quicquid &c. Totum privilegium hoc  
 ſupra relatam eſt. Secundum Willelmi Ducis ita  
 incipit. In nomine ſanctæ & Individuæ Trinitatis  
 Guillelmus divina clementia Dux Rogeri famoſi Du-  
 cis heres & filius. No. ab omnium conditore &c. ut  
 ſupra. Conſtantiae Imperatricis privilegii initium.  
 Conſtantia Dei gratia Romanorum Imperatrix ſem-  
 per Auguſta, & Regina Siciliae, Rogerio de Calo, &  
 Conſtantino de Turonomeſe Mag. ſtro Doanae & cæte-  
 ra, ut ſupra exſcriptum eſt. Proſequitur deinde Fe-  
 dericus. Nos itaque pro remedio animarum felicium  
 Regum prædeceſſorum, & Divorum Auguſtorum pa-  
 rentum noſtrorum memoriae recolenda, pro ſalute  
 quoque noſtra, & Henrici Regis cariffimi filii noſtri  
 omnia quæ ſuperius in ipſius privileg. & literis con-  
 tinentur eidem vener. Archiepiſcopo ſucceſſoribus ſuis,  
 & Eccleſiae Cuſentinae in perpetuum de noſtra gratia  
 concedimus, & confirmamus, volentes, & præci-  
 pientes, ut ea omnia de cætero paciſicè & ſine dimi-  
 nutione habeant, & quietè percipiant ſicut Regum  
 felicium Willelmi Primi, & ſecundi tempore, uſque  
 ad obitum Dominae quondam Imperatricis Conſtan-  
 tiae matris noſtrae conſueverunt percipere, & habe-  
 re. Ad hujus autem immunſtatis, & confirmationis  
 noſtrae memoriam, & inſolabilem firmitatem præ-  
 dictorum privilegiorum per manus Henrici Notarii,  
 & fidelis noſtri ſcri. & ſigillo celſitudinis noſtrae juſ-

A ſimus roborari. Anno, meſe, & Indiſione ſub-  
 ſcriptis.

Datum in urbe ſancti Panormi, anno Domin. In-  
 carn. 2223. meſe Julii XI. Indiſionis, Imperii D.  
 noſtri Federici Dei gratia invictiſſimi Romanorum Im-  
 peratoris ſemper Auguſti, & Regis Siciliae anno 3. &  
 Regni ejus Siciliae anno 20. feliciter Amen.

Eodem hoc ipſo anno 1223. ex delectu ejuſdem  
 Federici Imper. Lucas cum Tirriſio Caſſanenſi E-  
 piſcopo litem composuit inter Archimandritam Pa-  
 tiri Cœnobii, & Matthæum Abbatem Florenſem,  
 ut in ſequenti monumento ſigillis obſignato legitur,  
 quod mihi contigit propriis uſurpare oculis, & ex-  
 ſcribi: Sigillum Lucae in alba cera impreſſum eſt,  
 ubi ipſius Lucae effigies pedum paſtorale manu ge-  
 ſtans, ac circumſcripta hæc leguntur verba S. Fr. Lu-  
 cas Dei gratia Archiepiſcopus Cuſentinus. Signum  
 verum Tirici Caſſanenſis Epiſcopi deperditum eſt.  
 Porro concordiae documentum ita ſe habet.

Anno Dominicae Incarnationis milleſimo ducent-  
 eſimo, vigefimo tertio, meſe Auguſti 11.  
 Indiſ.

Anno vero Imperii D. noſtri Fr. Dei gratia invi-  
 ctiſſimi Roman. Imperatoris ſemper Auguſti tertio,  
 Regni autem Siciliae 25. Regniq. D. Henrici filii  
 ejus eadem gratia glorioſiſſimi Regis Siciliae, Duca-  
 tus Apuliae, & Principatus Capuae 11. feliciter,  
 Amen. Nos Lucas Dei gratia Cuſentinus Archiepi-  
 ſcopus, & Terrifus Caſſanen. Epiſcopus præſenti  
 ſcripto norum facimus, quod recepimus per manus  
 D. Matthæi vener. Abbatis, & Conventus Floris  
 Imperiales litteras hanc ſeriem continentes. Fr. Dei  
 gratia Romanorum Imperator ſemper Auguſtus, &  
 Rex Siciliae venerabili Archiepiſcopo Cuſentino, &  
 Epiſcopo Caſſanen. fidelibus ſuis gratiam ſuam, &  
 bonam voluntatem. Conqueſti ſunt celſitudini noſtrae  
 vener. Abbas, & Conventus Floren. Monafterii fide-  
 les noſtri, quod cum Abbati de Patiro, & quibuſ-  
 dam Fratribus ſuis ex parte noſtra firmiter inibi-  
 bent ſub pœna centum librarum auri, prout in eorum  
 privilegio à majeſtate noſtra obtento plenius continetur,  
 ne auſu temerario quoddam eorum tenimentum  
 intraret cum ſuis animalibus, ipſi eorum inhibitione  
 contempta dictum tenimentum invadi fecerunt in eo-  
 rum præjudicium, & gravamen, ita quod in tenimen-  
 to mandras fecerunt, & animalia eorum ibidem paſ-  
 cendo repererunt, & cum ſuper hoc conqueſti fuerint,  
 nondum potuerunt, ſicut aſſerunt, juſtitiam obtine-  
 re. Quare mandamus diſcretioni veſtrae, quatenus  
 partibus in veſtra præſentia convocatis, audiat  
 cauſam, & eam ſtudeatis mediante juſtitia, ſine de-  
 bito terminare; ut pro defectu juſtitiae neutra parti-  
 um juſtam habeat materiam conquerendi. Datum  
 apud Cutronum 17. Maii 11. Indiſ. Item recepimus  
 Imperiales litteras per manus vener. Archimandrita-  
 e, & Conventus Monafterii de Patiro, quarum con-  
 tinentia talis erat. Fr. Dei gratia Rom. Imperator  
 ſemper Auguſtus, & Rex Siciliae. Vener. Archiepiſ-  
 copo Cuſentino, & Epiſcopo Caſſanen. fidelibus ſuis  
 gratiam ſuam, & bonam voluntatem. Vener. Archi-  
 mandrita, & Conventus Monafterii de Patiro fide-  
 les noſtri majeſtati noſtrae graviter ſunt conqueſti,  
 quod de quibuſdam tenimentis, quæ in partibus Sile-  
 monafterium ipſum longis retro temporibus habuit ra-  
 tionabiliter, & poſſedit, per venerabilem Abbatem,  
 & Conventum Floren. monafterii ſunt per violentiam  
 ſpoliati; in quibus tenimentis quidam Fratres ſui à  
 Paſtoribus Floren. monafterii fuerunt acriter verberati,  
 & quinquaginta oves, & res aliæ ablatae ne-  
 quiter ab eiſdem. Cum ergo inter perſonas Eccleſia-  
 ſticas, & loca venerabilia hujusmodi violentiæ non  
 debeant attentari, mandamus diſcretioni veſtrae,  
 quatenus convocatis partibus coram vobis, audiat  
 cauſam, & eam ſtudeatis mediante juſtitia ſine de-  
 bito terminare, ut juſta ſuper hoc ad audientiam no-  
 ſtram iterato querimonia non recurrat. Datum apud  
 Cutronum 18. Maii, 11. Indiſ. Partibus ergo legitime  
 citatis, & in noſtra præſentia conſtitutis, allegata  
 utrinque audivimus diligenter, cumque præfixiſſe-

ALLEGATO N. IV. n. 2. 618

18000 67116

ITA.

DIREZ. GEN. DELLE ANTICHTA' E BELLE ARTI

REGIONE